

Markiewicz Stanisław

Mamajński Stanisław Seb. Nova magnifici  
honoris eminentia laurea theologiae.

PANEC. et VITAE

Polon. Fol.

N<sup>o</sup>. 742.



1871-1872

1872-1873

1873-1874



N O V A  
MAGNIFICI HONORIS  
EMINENTIA  
LAVREATHEOLOGICA.

D U M

*Magnificus Perillustis & Admodum Reverendus D.*

D. M. STANISLAVS  
MARKIEWICZ,

S. Th: Licenciatus, Collega Major, Ecclesiarum Collegiatarum S.  
FLORIANI CANONICUS, Sandecensis CANCELLARIUS, Cureloviensis  
SCHOLASTICUS, SS. Omnium & Prossovicensis PRÆPOSITUS, Scholarum  
Novodvorscianarum & Contubernij Geloniani PROVISO, Studij Gene-

ralis Almæ Universitatis Cracoviensis Vigilantissimus RECTOR,  
SACRÆ THEOLOGIÆ DOCTOR,

*PERILLUSTRI & REVERENDISSIMO D.*

D. M. MARTINO  
WALESZYNSKI,

S. Th: DOCTORE & PROFESSORE, ac ejusdem Facultatis DECANO, Col-  
lega Majore, Ecclesiarum Cathedralis Cracoviensis CANONICO, Paro-  
chialium Montis S. GEORGIJ in Scepusio & Przemykow PRÆPOSI-  
to, Librorum per Diocesim Crac: Ordinario CENSORE, Canonizatio-  
nis B. JOANNIS CANTIJ PROCURATORE, Contubernij Hierozoly-  
mitani PROVISO, Studij Generalis Almæ Universitatis

Cracoviensis PROCANCELLARIO,

Ritu Solenni

C R E A R E T U R.

è Voto Scholarum Novoduorscianarum

atq; ILLUSTRISSIMÆ ac NOBILISSIMÆ Juventutis Academicæ

M. STANISLAVO SEBASTIANO MAMCZYNSKI,

Philosophiæ Doctore in Collegio Novodvorsciano Dialectices Professore, Publico Sacra  
Autoritate Apostolica Notario.

CLIENTALI PENNA

IN PUBLICUM

D E D U C T A:

ANNO DOMINI MDCCXXIX. VIII Cal: Martij.

CRAGOVIAE, TYPIS ACADEMICIS.



In Avitum Stemma  
ALMÆ UNIVERSITATIS  
CRACOVENSIS.



21.826 III

Aurea Sceptra nitent, est illis pondus & ingens,  
Dant pretium majus gemmea facta Viri.  
Tutior Orbis erit Noster felixq; manebit,  
Cum nova sceptriferæ, Laurea nexa Cruci.



# MAGNIFICE DOMINE R E C T O R.

**N**Ova Magnifici Tui HONORIS EMINENTIA, sublimē de Te scribendi genus requirit; tamen Scholæ Nostræ quod humile, non Magnificum Tibi efformēt opus, ignosce quæso. Magnitudo enim Nominis Magnifici, non tantum humilem & incultum superat stylum, sed etiam captum omnium Scholarum excedit. Amplitudo Tuorum meritorum altius ac latius sese extendit; quam magno ambitu diffusi in auras Porphyrianæ arboris rami pendent, & quam Magni ex illis Mercurij possent fieri. Princeps Oratorum Tullius, ad Tuam Rectoralem Purpuram erubescit: quod suis floribus, virtutes Tuas non sufficiat coronare, & gemmeos Tuæ mentis partus Thasibus protensis emetiri. Phæbus Heliconius Tuos Perillustres titulos, magis toti Mundo accendere conatur, sed penes



novam MAGNIFICI HONORIS EMI-  
NENTIAM, umbra esse videtur. Excur-  
runt pedibûs ligatis Regiæ in Tua elogia  
Musæ; sed non procul: quas supra modum  
beneficijs strinxisti; innumeris meritîs, ac  
Tuîs laboribûs onerâsti. Sublimius certè laus  
Tua crescit, quàm altos lauriger Parnassus  
colles & suas voces, dulcis Musarum cho-  
rus eleuat. Habet suas Regulas & modos  
Piotrovius, nescit tamèn benè Tua decom-  
ponere encomia; quæ memoriâ capere, &  
vastitate ingenij comprehendere non po-  
test. Quare non indignare, quòd pumilio  
Scholarum animus, non ita Tuas assurgit in  
laudes, sicut Tuus eminet HONOR; quem  
RECTOR ac Provisor Vigilantissimus ne  
otiarî putes, fert Tibi opus hoc ex se exi-  
guum, sed ex Tuis meritis satîs magnum.  
Dant alij majores plausus & elogia, alij  
fundunt Rosas, Flos Nobilissimus luventu-  
tis Polonæ Tibi se hîc sternit, & brumali e-  
tiam tempore hæc sua cum votis folia ex-  
plicat: ut Doctoralis Tuo in Capite Laurea,  
quàm felicissimè & diutissimè emineat. Ita  
precamur:

MAGNIFICENTIÆ VESTRÆ

Humillimi Servi

Professores Novodvorsciani.



**N O V A  
MAGNIFICI HONORIS  
EMINENTIA  
LAUREA  
THEOLOGICA.**

**Doctorem Laureis eminere Honores**

ne dicatur antiquum esse;

Tuis Magnis innovatur meritis

**RECTOR MAGNIFICE.**

Nuper Manibus Tuis VNIVERSITAS porrexit SCEPTRA,  
dat hodie faustiori successu fronti Coronam,

nimirum:

Ne Honor omnibus, quâ meritorum, quâ Scientiarum titulis,

Viri absoluti incompletus videretur;

Pallas Iagellonica eundem deducit Tibi ad fastigium.

Si Sceptra eminent Coronis?

debet etiam Magnificum Regimen Laureâ eminere Theologicâ.

Intendi Dignitatem Tuam omnino decet,

cùm in tanto gradu nil remittas de laboribus.

Fit Tuis Nova Honoribus, Honorum accessio,

Qui labores laboribus accumulas,

& Academicam felicitatem prospero foves moderamine.

**Si nempe,**

Sceptra Coronis non unirentur?

nulla foret ab alijs insignis distinctio.

A

Sit



Sit ergo Sceptriferi Muneris Corona, in Regibus terminus,  
in Eruditorum Rectoribus Magnificis,  
Sit Laurea Theologica feliciter meta.

Certè non contigit, sed fieri debuit,  
Vt, postquam Academicis Sceptris admovisses, manus,  
exporrigeres & Frontem Laureæ;

Doctorq; Theologus dicereris,  
Qui adoraris Magnificus.

Theologici Tui Honoris Eminentia attingit Cælos,  
quod ergo Culmen non adæquabit?  
quæ ex summis meritis habet sublimitatem  
& ex prævijs Honoribus, ac Regimine Academico  
Magnificentiam.

Adeste Purpuratorum Capita!

adesto ipsa Purpura!

Novus hodie in Te Honor eminet.

Adeste Messes Honorum!

Nova tamen in Manipulo Iagellonico antiquæ superadditur,  
quàm Primus Operarius exercet

Adeste docta Lycea cum Rectoribus!

Facultates cum Doctoribus!

Nec vobis desit, nova plaudendi facultas.

Adeste Classes Novodvorscij!

ab hoc felici non aberraturæ Portu,

quòd plausum existatis onerariæ.

Canunt ergo pro Suo modulo Musæ,

Sacræ Theologicæ Laureæ,

Tulliani Campi internectunt flores,

atq; Novam Magnifici Honoris Eminentiam  
dum colorant,

Tuam Vitam,

RECTOR Magnifice,

laboribûs Academicis conspicuam



venerantur.

Prodromante Tibi Tuâ promptitudine,

Maturâ, Celsâ & laboriosa Indole,

In Academicum advolâsti Lucum,

non iturus, sed more Aquilæ volaturus;

non jam pupillâ, sed perspicaci animo, Scientias inspecturus.

Felix illa aurora ætatis dicenda!

quæ Tibi Meridiem Novi Honoris oriri ominabatur,

Felix tempus & horæ!

quibûs penè stetisti ad Lauream Doctoralem Candidatus.

Splendidissimum Tui Ingenij Lumen,

quod Te Magnificum comitabatur.

Vt tamen futuram claritatem Tui

supra hæc adauxisses;

Diogenis adhuc accendisti facem;

non ut hominem quæreres, sed Scientiam.

Scholastica vix tetigisti limina, jam Splendor animorum.

Stabilis necdum gressu, jam *flans Laus*.

Ingenium disciplinarum capacissimum

omnibus sufficiebat difficultatibus;

quibus laboriose lugubrandis, continuo adhæsisisti,

ut vinceret.

*Sudat virtus propter refrigerium, & meretur, ut sit emerita.*

Cracius Apollo ipse Tibi cedebat in Coronam,

quem Novis Virtutum ornamentis adornabas.

*Alias sustulisti virtutem: quicumq; non offers premium:*

*projecta generositas langvet,*

*torpet vivacissima indoles,*

*quam non erigit spes firma Honoris.*

In Novodvorsciano Vireto omnes Gratias complexus:

Flores Elementorum Latinitatis, Apollinis Laurus,

Tulliana decora, Porphirij Arbores,

in unum fasciculum collegisti;

Novas deinde Honorum Cornucopias lecturus.

Artes prædiscens humanas,

quas nunc in Te Divinas efformasti;



Delicium humani generis Sapienciam, laboriosè quæsiisti:  
quæ usum lucis non invidet alijs, cum ipsa in immensum clarescens.

Aristotelico cum supernatasti Eurippo,  
Inter spinas Logicales, Roseo effloruisti Ingenio;  
Nunquam acumen præferens, nisi quò difficultates pungerentur.  
Erudita otia omnibus negotijs prætulisti:  
& ut ludum Literarium seriò tractandum doceres,  
Catonis animò singulos animabas.

Quippe:

Cracius Apollo non vanus augur erat,  
Te inter Patres Academicæ senaculi,  
Mercurium, ac Diviniorem Platonem futurum.  
Qui adhuc in gremio Musarum digna lauru dixisti, egisti,  
tam clarè & ingeniosè, quàm cultè & subtiliter,  
nimirum:

*Quantulacunque animi lux, modò Palladem sapiat  
accedit Olympo,  
gratissima vel idè, quòd Intelligentijs proxima,  
nec in Orbis lumine fatiscens:*

Tuis innumeris virtutibus decorus,  
in Tyrocinio veteranum egisti,  
Meruisti Laurum duplicem Philosophicam  
Tibi pridem apparatam,  
nec majus illa Tibi;  
quàm Tu ei decoramentum tribuisti.

Virentes enim continuò ut efficeres Corymbos,  
à doctis nunquam abstinebas ardoribus.  
Professoribus insistebas Professioni.

Ludum quem cæperas Literariū, continuabas nunquam non seriū.

In Actibus Disputationis, Actor & Victor.

In circulis inveniebas punctum, sed Honoris.

Conclusionem qui tulit; nunquam tamen  
nisi præmisso Tui Honore.

Fulgore mentis Tuæ  
perstringebas aliorum oculos,

umbram



umbram tamen modestiæ, ubiq; Tecum circumferebas,  
& propriò virtutis decore ornatus, latere voluisti,  
ast latendo magis Te prodidisti.

*Ita enim virtus latere solet ut sol, quem magis umbra produnt.*

Pari processu

è Solo Academico Cracio, ad Soleam MARCHIONALEM  
fecisti Magister gradationem;

& cùm nova aperiretur SCHOLA

Professor Novi semper Candidatus Honoris præfectus es,  
ut illud MARCHIONALE Athenæum mereretur dici  
Angelorum Colonia.

Vbi propè decennium herbas, novellis mentibus porrigens,  
Palma Tibi excrevit Honoris nova;

quã Indoles MagnaXIĘSCIORUM, Ascia sua excindebat,  
KVCHARSCIORVM Fluvius, pulchrius rore Szreniava irrigabat,  
Sol Doctorem THOMAS, (cujus Faciem Aquila mens Tua videre,  
& laudibus immorari, huc volavit,) irradiabat.

Noverunt rectitudinẽ ingenij Tui GONZAGARũ Aquilæ  
& semper Tibi prævidebant HONORES,

Ales MYSZKOVIVS novos semper præcinuit.

LEONES excubabant, ut quid novi compræhenderent.

FLUMINA Marchionum aurea Arena fluebant.

Ille

Sæculi nostri pretium,

Purpuratum Decus

*Illustrissimus olim & Excellentissimus*

**D. JOSEPHUS  
GONZAGA MARCHIO**

In Mirow

**MYSZKOWSKI,**

CASTELLANUS Sandomiriensis,

Fundator Noster Munificentissimus,



Tui Grande Decus Columnę;

Nova de Te semper cogitabat;  
cū Te foundationis suę Professore,

Mox Pastorem Stradoviensem effectū monstravit.

Qui hucusq; præcogitasset, ni Solea, vitę Cursum, non negasset.

Tuum erat opus de omnibus cogitare,  
Tuę voluntatis, omnibus prodesse velle.

Cumq; sic;

Inventus quoque Novo HONORI locus,

Imò Novus HONOR, licet nomine Minor,

Cum Hospes Domi stetisti laboriosus,

Collega Minor.

*Semper quippe vult ex stadio virtus coronata abire,*

*Nec aliquam decurrit metam, in qua lauream non videat.*

Hoc in loco

Initium Novis laboribus dedisti,

Palæstram Sapientię erexisti,

quodlibet ætuum Tuorum Negotium, non momentis constabat,  
ævternā sæculorum perpetuitate mensurari merebatur.

A Tuo Capite aureo, singulis pretiosę cogitationes ortę,

à Tuo Cerebro, Pallas doctior renata,

à Tua facundia Tullius disertus.

Gaudebat Te stante Insula, STATIO MINOR, sed brevi,

HONORES enim indies Novi, ultrò de Te pugnabant,

ac invicem Te sibi eripiebant.

Tylicianū Orator ascendisti suggestum,

Non sterilis Princeps svadā, sed Clarissim us:

Illustrissimę Polonę Indoli fundens ab ore Rosas.

Rostra Oratoria resolvendo, vicisti Ora & vota Patrum,

Qui attentē de Te audiendo Oratore, benevolentiam freti,

mox COLLEGIVM MAIVS obtulere.

Stetisti jam in Gradu Majori,

Novi Honoris Compos,

Quem jure elaborasti indefessus Atlas;

Verior



Verior Apollo, Majorem Parnassum conscendisti,  
comitati Te maximi labores.

Obryzum Alcides loquatur, fulmina Pericles,  
Purpuram Arpinas, Attica Toga evolvat gemmas:

Tu Solem, Tu sydera loquebaris.

Quòd Te Vnum omnes mirati; TRYPOS eras,  
Oraculis non indigebas, NVMEN MAGNVM,  
nec Parnassò altiori, SEDES MVSARVM.

**Nova Magnifici Honoris EMINENTIA  
Laurea Theologica**

ut eò pulchrius in Te emineret;

**Decanalem induisti Purpuram.**

Pulcher Honos, sed Te ipso æstimator.

Diligentes Theopompos quæsit, Te invenit.

**Pateretur hic Honos Panegyres & Coronas!**

Non ut eas ambiat, sed ut Orbi commonstret

summæ claritudinis esse,

quâ non indigeas dare ingenijs lucem.

**Tu quidem**

**Magnifice D. Rector:**

Necdū Magnificus, Senaculū iam incipiebas ab hac Trabea Decanali,  
cujus in Magnificentissimo Apparatu,

Princeps Artistarum fulgebas.

Cathedras nunquam vacare permisisti, ORATOR, DECANVS,  
occupabas enim eas, & situ, & animo indefesso.

Ad Exedras Primus Encomiastes; THEMA LAVDVM,

Ad publicas Disputationes; ARTICVLVS PRIMVS,

Domi & foris ex utroq; Cæsar.

Magnus quidem, sed necdum Novus propter Te HONOS:

Vt AVGVSTALE quoq; Scientiæ THEOLOGICÆ impleret,

**Sacræ Theologiæ Professor, creatus es.**

Pulchrum quippe est, ad hujusmodi HONORES, eniti;

Sed quæsitum à Te STANISLAO Augustius omninò



emeriti laboris Decus.

*Ita contra laves etiam Marte Giganteo surges,*

*Cui in spe est promissis Calum.*

**Huc Calami! Huc Panegyres!**

Liceat Te nobis contemplari Vnum, sed gemmam Professorum totū

In Academico; Universitatem: & Solem in Aquilæ pupilla.

Vnus animus THEOLOGICVS Tuus, sed in eò mille species,  
& speculum Scientiæ.

Quid ergo de Te THEOLOGO dixerimus, tantilli de Tanto?

Si Stanislaum nonnisi? totum diximus:

Si Theologum? omnia:

**Si S. Theologiæ Doctorem?**

Novam Magnifici Honoris Eminentiam

mox adorabimus.

Vicisti titulos omnes emerite HONORI

Qui animos, aures, SENATUS COMITIALIS POLONI

Legatus Academicus vicisti.

Ibant res sine cura Universitati, Te Procuratore.

MARCHIONALIS Ales, Te Provisore, vocalius præcinit

deductis non aliunde modis nisi ex Te Ipso.

Sed frustra his meritis, de Classibus Nostris allaboramus?

*Vera virtus, nec fastus, nec sæculis indiget,*

*nisi pretio:*

Quam ad æstimationem deducere non nostrum est;

Cum Nostri pretii Provisio, à Te PROVISORE dependet.

**Quid ultra?**

**Iam Te**

**MAGNIFICVM D. RECTOREM**

cum rubore veneramur:

**Iam Te Purpuratum Caput inspicimus;**

cumq; videri intra Majestatem Nominis, & HONORIS Tui

Totus nequeas:

Per-



Permitte saltim, sub hac imagine conspici Te,  
in cujus lineamentis, ex amussi refulges

## Vigilantissimus RECTOR.

Apex hic Academicus sapientiæ Thronus est,  
Ingeniorum exasciatio, & suprema censura.

In hoc labor exquisitus, sudores gemmei,  
In hoc sapientiâ triumphasse, pluris æstimas:  
non ut ambias, sed ut ostendas Honorem hunc, ambire hæc.

In hac Theologica Eminentia

Novum Honorem jam depingis,  
qui regio ubiq; & excelso animo  
etiam inter aculeos difficultatum metis ex spinis rosas  
abituras in coronam.

Quanquam jam eæ Tibi imponuntur

S. Th: Licentiato:

Cups frons non insolens, nec oculi ad curiosa duces,  
sed mens & animus ad Divina erectus:

QUI A UNUS cum DEO SPIRITUS SUNT.

Et cum ita:

Hic Nos M. D. RECTOR,

S. Th: Neo Doctor,

infra exiguitatem operis nostri sine pretio,  
cum Classibus jam sine mercibus sistimus.

Reliqua opera, imò omnia, Atlanticos labores,  
quos vix tetigimus, ni permisisses;  
alijs deprædicanda relinqvimus.

Quis enim Te ex mensura illa virtutis Tuæ, loquetur?  
quâ ipsas cogitationes excedis;

Tullijs stupor, & terror;

Reliqvis admiratio, & silentium pro eloquentia.

Novus Sceptriferi Honoris Honos,

C

Lau-



Laurea Theologica

non ambit currus triumphales, cùm Tuâ fronte pulchrius eat.  
Non magnitudinem ostentat, quam quisq; prospicit,  
in Te Magnifico.

Ergo

Accurre STANS LAVS

Ad tantum Cæleste Donum,  
rarum alijs gestandum, quia tremendum.

Serò quidem Tibi contigit, sed seriò.

*Magnifica enim sunt quæ serò contingunt.*

Præit Tibi AGNUS PURPURATUS

CELSISSIMI PRINCIPIS

Illustrissimi & Reverendissimi

D. CONSTANTINI

FELICIANI

IN SZANIAWY

SZANIAWSKI.

DEI & Apostolicæ Sedis Gratiâ

EPISCOPI CRACOVIENSIS,

DUCIS SEVERIÆ,

CANCELLARII Nostri Faventissimi,

cum aureo vellere, & cornucopijs Benedictionis.

Inclina Frontem emeritam

Ad exporrectâ liberalē MARTINI dexterâ

*Perillu-*



PERILLUSTRIS & REVERENDISSIMI D.

# M. MARTINI WALESZYNSKI,

S. THE DOCTORIS & PROFESSORIS,  
eiusdemq; Facultatis DECANI,  
Ecclesiarum, Cathedralis Cracoviensis CANONICI &c.  
Novi Vavelli Coronarum Unionis:  
quâ Tibi MAGNIFICO Novum HONOREM confert:  
Non aliter enim hic HONOS appetiari debuerat, nisi VNIONE,  
CAPUT ornari, nisi CORONA.

Quâ dum virtutes, merita, labores,  
Rectoralem muricem adornasti;  
Ascende Doctoralē Cathedrā, Theologus,  
ascendunt Tecum vota innumera.

Vavellus pretium addit, Coronæ Tuæ,  
Ordines Academici Ordine plaudunt,  
Cracij Cives aperiunt affectuum Portas,  
Classes Nostræ Honore Tuo operariæ  
ad felices adnavigant Insulas,  
dum Tu in portu sistis Honorifico.

JUVENTUS Tibi sternit flores HONORIS,  
& tripudiat præeuntibus ANAGRAMMATIS.

Cuncti deniq; unâ Nobiscum plaudunt,  
gratulantur & vovent:

NOVAM MAGNIFICI HONORIS  
E M I N E N T I A M

in Te

MAGNIFICO DOMINO RECTORE

Virtutibus, Meritis, Laboribus

E M I N E N T E M

ADORANDO.



PROGRAMMA,  
M. STANISLAUS  
S. Theologiæ DOCTOR  
VNIVERSITATIS CRACOVIENSIS  
R E C T O R.

ANAGRAMMA. I.  
Musa RECTORI occinite coronato lusus  
hilares, sat diu grati sonetis.

EPIGRAMMA I.

Mos antiquus erat Romanis, tempora quando  
Cincta forent lauru, metra dabantur eis.  
Musa! RECTOR adest, Rectori Carmine lato  
Occinite, ac plausus ferte sonante chely.  
Nempe Coronato, plaudatis voce sonorâ,  
Et lusus hilares, ingeminate precor.  
Sat berè satq; diu grati de laude merebat  
Vestrum; quapropter sponte Sonetis ei.

FRANCISCUS de Zmigrod STADNICKI,  
Castellanides Lubaczoviensis, Auditor Dialecticæ.

II.

Sol es Tu oriaris: virtutem noscit Schola  
Regni, & doctrinas Tuas, eas cieo.

Sol quondam steterat Iosue expugnante Gabaon,  
Donec ovans palmas ferret ab hoste suo.  
Sol Nobis es tu: Nostros oriaris ad usus;  
A Te dum cunctis influit omne bonum.  
Virtutem noscit Schola Regni, noscit & amplas  
Doctrinas, fecit quas labor esse Tuas,  
Hoc cieo versu, Musa maiora precantur;

Ad quævis faustus maxima RECTOR eas.

JOANNES de Zmigrod STADNICKI,  
Castellanides Lubaczoviensis, Dialectices Auditor.



### III.

**H**ollis sacras hodie Coronas, ornatus vir-  
tute, nimis sat scio; certè vige.

**H**ollis dum *Sacras hodie de more Coronas,*  
Plaudit votivo Carmine Musa Tibi.

*Ornatus virtute nimis procedis in altum,*  
*Sed suprema paras dotibus ipse Tibi.*

*Sat scio quòd maneat Academi gloria magna,*  
*Certè majorem, Laurea sacra dabit.*

*Ergo vige felix centenos sospes in annos,*  
*Constanter faveat, fors & amica Tibi.*

JOSEPHUS de Dobna DOBINSKI,  
Bargrabides Cracoviensis, Dialectices Auditor

### IV.

**A**dsunt Cæli, Viri Theologi ut octo, co-  
ronant Te arris missis; Graefus es.

**A**nnales sacri testantur, Paulus ab imis,  
Quòd fuerat raptus, redditus atq; Polis.

*Adsumt & Doctor Tibi Cæli, quando favorem*  
*Illorum semper nescit adesse Tibi.*

*Suntq; Viri, sunt Theologi, qui maxima ut octo*  
*Callent: applaudit quilibet ore suo,*

*Flore coronant Te, dant arris præmia missis;*  
*Dotibus eximijs Graefus es; inde patet.*

STANISLAUS KOSTKA Dux in Korzec & Olexienice  
CZARTORYSKI M. D. L. Vexilliferides, Auditor Rhetorices.

### V.

**N**ovodvorscii Classes ritus hilarè gestos,  
victoriam & ore canant: fit.

**N**unc o lecta Cohors Musarum sistite gressum,  
Ora, lyras, Cytharas, attenuate precor.

*Exultant Novodvorscii Classes æquore in alto,*  
*Quarum Naclero portus Honoris adest,*

*Ut ritus hilarè gestos, victoriam & omnem*  
*Ore canant, quadro justius Orbe nihil.*

*Ergo sint plausus, ingens sit pompa triumphi*  
*Doctori Nostro gloria sitq; suo.*

AGIDIUS de Dembiany DEMBINSKI Dapiferides  
Cracoviensis Rhetorices Auditor.



## VI.

— Serto, Decor Scholæ CANTIj, lauros  
vince nitoris, gressus, vota statim.

— Vstus Honos magnis fuerat Victoribus olim,

Dum laurô quivis condecoratus erat.

Sunt nobis flores, qui nunc Tua tempora poscunt:

*I cinctus serito Cui Decor inde venit.*

Ecce Scholæ Canti lauros dant, vince sed illas:

Nam nôsti solers esse nitoris eas.

Penna stitit gressus remanes jam Victor ovando;

*Vota statim referas, quæ Tibi corde damus.*

JOANNES de Szczegłow FREZER Burgrabides  
Cracoviensis, Auditor Rhetorices.

## VII.

— Tes stoa: non nega ei Doctoris laurus,  
hic est virtus majoris loci certa.

— Tes Stoa: quidve facis? jam porrige serita decoris,

RECTORI Nostro porrige: Musa canit.

*Non nega ei digno: Doctoris laurus in ipsum*

*Sola cadit, credas; tempora sola petit.*

*Hic pietas renitet, virtus est juncta decori,*

*Majorisq; loci cernitur esse capax.*

Ergo cum video laurus, binasq; Coronas;

*Hinc scio, quod Cælis tertia certa manet.*

JOSEPHUS STRZAŁKA Burgrabides Cracovien:  
Auditor Rhetorices.

## VIII.

— Ves rursus orta hodie in Lyæo Magno  
scientia, tuta res; cor sisto.

— Itera Sacra docet, transibunt tempora docta  
In lumen clarum, quæ documenta parant.

Factum: transivit *Lucs* Doctor rursus amæna:

*Hæc animos vestros irradiare sciet.*

Orta Lyceo hodie splendens est hæc Academo

*Magno: quam cuncti cernite, Phæbus adest.*

Hunc ornant radij, virtusq; scientia pulchra;

*Res, cor, tuta ferens, Carmine sisto simul.*

LUDOVICUS de Iuszyń IUSZYNSKI,  
Pocillatorides Podoliensis, Auditor Rhetorices.



## IX.

▷ **Alato** Honore gaude, successus numeres,  
citioris fortis; ratio incitat.

▷ Cronem Regem Ceninensum vicerat ille  
Romulus, & Victor, stabat in ore Virum.

*Allato* summe gaudebat Rex in *Honore*,  
Tempore sed modico: fata subivit iners.

*Gaude* Tu longè, tum vivas hâcce Corona:  
*Successus numeres*, Te comitentur opes.

Nec quædam *fortis citioris* noxia fata  
Te vincant. *Ratio me incitat* ut voveam.

STANISLAUS de Ielitow SKRZETUSKI,  
Venarorides Chelmenfis, Auditor Rhetor:

## X.

◁ **Irtutis** illustris es imago, è choris cætus  
io canant, fera corde sono.

◁ *Irtutis* verax *Illustris* nunc es imago.

Ergo *choris cætus* clarius io canant.

Nam virtus nunquam, vult digna laude carere;

Quâ si caret protunc, laus manet ipsa sibi.

Sed Tua Doctor amans sacris decorata Coronis,

Summâ laude niter, laus quoq; sola sibi.

Posteritas illam referat per sæcula *fera*

Hoc de *corde* tulit penna, ministra *sono*.

JOSEPHUS de Arusy STRUS, Subdapiferides  
Laticzoviensis, Auditor Rhetoricæ.

## XI.

◁ **Ancte CANTI** gloria lucis, hujus Do-  
ctor Artis verè stas; io meritò fones.

◁ *Ancte* Pater *CANTI* Suprema gloria *Lucis*:

Fac ut Doctori, Carmine Musa canat.

*Hujus* Doctor ades præcellæ novimus *artis*

Illi continuo, quæso Poëta fave,

Ejus pro votis verè stas Hectoris instar,

Te RECTOR nostram cernet adesse sibi.

Dum CANTIq; faves, Reçtori Musa novenna

Io canas meritò, Io triumphæ fones.

VLADISLAUS de Zakrzow ZAKRZOWSKI,  
Dapiferides Livenfis, Auditor Rhetoricæ.



## XII.

**U**erito novo indutus, Coronis latior suc-  
cessisti, metra legas Cytharâ.

**U**epè suis gaudet Caput Orbis Roma Quirinîs  
Sertô quando *novo* tempora Cincta ferunt.  
Sic *indutus* ades Doctor Trabeate *Coronis*  
Noster Parnassus, *latior* inde manet.  
*Successisti* alijs Magnis Doctoribus unus,  
Expectabant quem sæcula longa nimis.  
Ergo *metra legas Cytharâ* modulante parata,  
Quæ cor dictavit, scribere jussit amor:

JOSEPHUS de Pieglów PIEGLOWSKI,  
Auditor Rhetoricæ,

## XIII.

**H**emis sacra, gaudet lance vir tus excelsa;  
orto rosis isti Viro intono.

**H**V mihi *Sacra Themis* lancem non sola remonstres,  
Hanc etiam probitas, quæq; referre solet.  
*Gaudet lance* novâ, *virtus excelsa* Vir orum  
Præmia quâ librant, parta labore gravi.  
Doctor adest, nostros qui librat sæpè labores,  
Orto ut flore *rosis* cingere possit eos.  
*Isti* nempe *Viro* votivos intono versibus,  
Nobis ut vivat sæcla per amplius precor.

LUDOVICUS de Szczepanów SZCZEPANOWSKI,  
Dapiferides Zytomiriensis, Auditor Rhetoricæ,

## XIV.

**H**yems glacialis concors, coronas dat vi-  
rentes æstivo ritu, sto ut res.

**H**ortos Hesperidum jam non antiquior Orbis,  
Nec sua Parnassus jactet antiqua loca.  
Pulchrius his semper florescit Dux Academus  
Noster: *hyems* illi nil *glacialis* obest.  
*Concors* flore *coronas* hæc dat innoxq; *virentes*,  
*Æstivo ritu*; quis daret ista modò?  
Prodigium miror tantum, *sto* re magè cernens  
Non mirum: Tanto tanta tenetur hyems.

JOSEPHUS de Legartowice KUCHARSKI,  
Pocillatorides Dobrzanensis, Rhetoricæ Auditor.



## XV.

**H**st novus sed micans Rectoris, Honos-  
Cui vota grata lætis recito lyris.

**H**xultans Doctor, vix scandit culmen Honoris;  
Plaudit Apollo Deus, turba novenna canit.  
*Est novus atq; micans Rectoris* splendidus ostrô  
Magnus *Honos*: cûi nos pectore, voce, stylô,  
*Vota lyris lætis* canimus per *grata* decoris;  
Suscipit hæc Doctor, Mons Heliconis ovat.  
Ergo cum tantos plausus dat doctus Apollo:  
Et mea quæ *recito* suscipe vota precor.

IOANNES CANTIUS de Szczefno BOREK,  
Auditor Rhetoricæ.

## XVI.

**O**Mnis Honos onus est, sed gloria varia  
crescat olea; ritu victrici steti.

**O***Mnis Honos onus est*, ac ingens sarcina rerum  
Dicite: Doctori mobile pondus adest.  
Hunc labor & *varia* alleviant, ut gloria crescat  
Dulci *olea* semper: fronte paratur opus.  
Difficilis non lædit eum, salsusq; per artus  
Sudor transcurrens, omnia vincit Honos.  
Ad quem *victrici ritu*, dum curris amande  
Doctor: pro voto sit stupor, ecce *steti*.

CASIMIRUS de Pyzki PYSZKOWSKI,  
Rhetorices Auditor.

## XVII.

**A**udis origo coronatæ sis, notus curis  
hisce tutè colens artis merita.

**A***udis origo coronata* mihi Doctor onuste  
Lauro, *sis*, quam tot jam cecinêre Viri.  
Pallas docta Tuos novit cum laude labores:  
Et *notus curis*, omnibus hisce Tuis  
Te Professore vidit prius Alba Ducalis,  
MYSZKOVIAE doctæ post coluère Scholæ.  
*Tutè recta* colens quod sis studiosus & *artis*  
Demonstrant nobis hoc, merita atq; labor.

DOMINICUS de Łazy MIŁOSZEWSKI,  
Auditor Rhetoricæ.



## XVIII.

○ *Vat (erro) Tutelaris Magni Tui Ales*  
hoc die, nixus scit; sonos ciet raros.

○ *Rbis orat* Lechicus tum gaudet candidus Ales;  
*Erro* sed errorem corrigo sponte meum.

*En Tutelaris Magni Tui* subvolat *Ales;*

*Ac pennis laudes fert super astra Tuas.*

*Hocq, die* spectans Te quod sis culmine *nixus*

*Tanto; scit,* quod mox celsior alta petes.

*Atq; sonos* pennis fausto *ciet* omine *raros,*

*Orbe* quod in Docto Vir citò summus eris.

ANTONIUS de Czekarzowice TARŁO, Comes  
in Melstbyn, Archimagitides Regni, Poeseos Studiosus

## XIX.

Ⓐ *Ratiæ omnes tres, si collatantur Docto-*  
*ris Honore; citius vivax sis.*

Ⓐ *Ratiæ* ex quas posteritas memorando revolvit,  
*Omnes tres* verè gaudia magna ciet.

*Si collatantur Magni Doctoris Honore,*

*Illi* quem meritò sacra corona dedit.

*Cur non latentur?* sub cujus fronte benigna,

*Omnes tres* sedem, composuere sibi.

*Hæc nunc* splendidius fulgent, *citiusq,* precantur

*Sis vivax* faustus, sæcula longa tene.

ADAMUS de Czekarzowice TARŁO, Comes  
in Melstbyn, Archimagitides Regni, Poeseos Studiosus,

## XX.

— *Ingentis valoris thesaurus artis, tot do-*  
*ceas excelsior omnia, Victor.*

— *Ngenij* magni quò nil pretiosius extat

*Pondere,* decrescit, maxima gaza *Midæ,*

*Tu nunc ingentis* sis per sacra *serta valoris,*

*Verus Thesaurus* qui tenet artis opes.

*Tot doceas* cunctos *excelsior omnia Victor*

*Sæcula;* per sensus erudiendo *Tuos.*

*Sic Te* pro semper memorabunt tempora *sera;*

*Quod felix* ex Te *Cracia Pallas* erat.

STEPHANUS de Ozarow OZAROWSKI,  
Subdapiferides Regni, Poeseos Studiosus.



## XXI.

**A**Des ut Sacri intres Honoris, tum stas so-  
cia gloria; cor clientis vovet.

**A**Qualis Summis Honor hic est sedibus; ergo  
Hunc scandens Summis par Pater alme manes.

*Aedes ut sacri nunc intres Doctus Honoris,*  
*Fas est; hoc actus promeruerit Tui,*  
*Tum stas in decoris præcelso culmine Sacri,*  
*Assistensq; Tibi gloria fit socia.*

Celsior existas hæc cor fert vota clientis;  
Et vovet ut meritis plena sit aura Tuâ.

MICHAEL in Słupow SZEMBEK,  
Succameratides Cracov: Poëtos Studiosus;

## XXII.

**D**irigit Helicon sacer rostra, Musæ uni-  
nitos cantus vocales sistite; oro.

**D**ector ut emineat præclarus, dirigit ipse  
Applaudens Helicon cum resonante choro.  
Si sacer emerito confertur ritus Honoris;  
Inclita sic illum, rostra tenere decet.

Ast ut majorem Musæ referatis Honorem;  
Unitos cantus, pandite voce precor:  
Iam modò vocales applausus sistite Vatum,  
Ora: Pierijs ora rigentur aquis.

JOSEPHUS de Olchowice SMETANKA,  
Tribunides Cracov: Poëtos Studiosus.

## XXIII.

**O**Mine & augurijs dextris lauros, coro-  
nas, scholas tenet, victoria fit.

**O**Mne decus subeat: probitates omine fausto,  
Et quivis sit Honos, officiosus ei.  
Qvi capit augurijs dextris lauros venerandus,  
Et cûi sudanti, gloria parva venit.

In propria gestet pretiosas fronte Coronas,  
Qvi semper madidis, tempora sparsit aquis.  
En tenet, iste Scholas quæ plaudunt vota ferentes:  
Vt victoria sit, tum decor omnis ei.

ADAMUS de Romiszowice ROMISZOWSKI,  
Burgrabides Cracov: Poëtos Studiosus.



## XXIV.

ORacia Turris claras solas voces ede Ho-  
nori novo, genius mittit testis.

OMmemorant Nobis sat claram sæcula turrim,  
Qvæ septem vicibus, reddidit arte sonos.

Cracia nunc Turris triplex trans æthera claras  
Has solas voces ede, colendo Virûm.

Qvi RECTOR Sapiens, Lechicam moderando Palæstram,  
Iungit Honori nunc propria sceptrâ Nova.

Rumores istos Genius Tibi Palladis Almæ

Mittit; tum testis publica fama manet.

JOANNES de Ianowice CHWALIBOG,

Burgrabides Cracov: Poëtos Studiosus

## XXV.

Ullius de Te Magnas struit Thases, ac  
Cicero notior, res novas ocior ijs.

Ullius à sæclis laudetur, sed modò de Te,  
Magnas lubmissus construit ipse Thases.

Ac Cicero cunctis facundo notior Ore;

Doctori Tibi res, efficiendo novas

Mercurij pennis festinans ocior ipsis,

Adstat ijs plaudens corde manuq; suâ.

Perpendas solers, quanto potiaris honore

Laudem posteritas, excitat ipsa Tibi.

LAURENTIUS de Szczygłow FREZER,

Burgrabides Cracov: Poëtos Studiosus.

## XXVI.

Ornatas merces vehunt Classes, sortior  
gaudia, ijs lucro sint toto, jeci io.

Ornatas merces quibus addunt facta valorem,  
Laudibus à nullis appretianda Tua.

Ecce vehunt Classes nostræ, quas tu moderaris,

Sortior ista modò gaudia, corde meo.

Spargis ijs largus proprij tot dona favoris,

Qvæ præcellenti, quis neget esse lucro.

Hæc sint clara precor toto memorentur in Orbe

Hoc vilis jeci carminis io mei.

IGNATIUS de Romiszowice ROMISZOWSKI,

Burgrab: Crac: Poëtos Studiosus.

## XXVII.



## XXVII.

**R**E vera cingis coronis melos, doctæ vir-  
tuti Honor ut assecla assistit.

**R**itu solenni dat multis plausus Honores,  
Plus tribuens illis, quàm meruere sibi.  
*Re vera cingis nitidis Tu fronte coronis*  
*Totum; quod pandit, docta Camæna melos.*  
*Ecce Tux docta virtuti celsa tenenti,*  
*Cum fama celeri, servit amicus Honor.*  
*Semper ut obervans, & nunc assecla ministrans*  
*Assistit, quando tendis ad alta loca.*

MICHAEL FIRLEY de Konary KONARSKI, Tri-  
bunides Olwiecimensis, Poëscos Studiosus.

## XXVIII.

**N**io artis Solon, cor Lechicæ Gentis,  
decus, vitat amore satis; fors urit.

**N**io splendescit gemmīs pretiosior artis  
Æquoreis, nostræ Palladis Iste Solon.  
Sortes vix illi cessit, Pandora trecentas,  
*Cor Lechicæ Gentis svave Decusq; manet.*  
Pridem docta petit frontem ejus cingere laurus,  
*Attamen hanc humili vitat amore satis.*  
Verùm dat virtus stimulum, fors Cælitus ipsa  
*Urit, ut eximiô possit Honore frui.*

STANISLAUS de Olchowice SMIETANKA, Tri-  
bunides Cracovæ Poëscos Studiosus.

## XXIX.

**Z**ilus es scientiæ, à tot claris haustus: er-  
go coronaris meritò doctiùs.

**Z**ilus Pierijs es credo scientia in hortis,  
Quem Craciæ Musæ Phæbus & ipse bibit.  
*A tot Numinibus claris feliciter haustus;*  
*O Sors quanta! Deos, atq; fovere Deas,*  
*Ergo coronaris meritò, nam doctiùs Hæres*  
*Divinæ sortis verus in Orbe nites.*  
*Fontes quos hausit si Gens Romana Coronis*  
*Ornat, Te Pallas cordè coronat-ovans.*

STANISLAUS Scibor de Rudostowice KOTKOWSKI,  
Pocillatorides Novogroden; Poëscos Studiosus.



## XXX.

Is Regno vincit Hector, is Victor terræ  
donat, ac is Musis, laus sola esto.

Is Regno vincit, quot nodos computat Hector,  
Pro gladio doctæ mentis acumen habet.

Is Victor terræ, quot palmas arte reportat,  
Donat, nonque sibi vivere corde, cupit.

Hic basis, hic cardo rerum virtute stupenda,  
Ac is laus Musis estoque sola diu.

Ex ejus sudore paratur splendor Honoris,  
Atq; salus multis, gloria summa fluit.

ALEXANDER de Gledzianow BELCHACKI,  
Poetæos Studiosus.

## XXXI.

Vir minor hic solo Jove, edoctus Cæle-  
stia norat, sanctis fertis gratus.

Vir minor hic solo Jove surgens esse videtur,  
Quem virtus semper, tollit ad astra Dijs.

Sic est edoctus, quò nasci denuo Pallas  
Si posset, vellet, testis Apollo canit.

Hic Arcana Dei summi Cælestia norat;  
Mentibus Angelicis par Caput ipse tenet.

Vnde Viri frontem Sanctis præcingit Olympus  
Sertis; quæ gratus pectore specto refert,

JOSEPHUS de Ozarow OZAROWSKI, Tribu-  
nides Sandomiriensis, Poetæos Studiosus.

## XXXII.

Min Cohors Minervæ, gestis orta corona-  
tis Tuis, radiat sicut solis luce.

Min stupefacta cohors currit sistitque Minerva,  
Respicit an Titan splendet in orbe novus.

Vndiq; dum lumen cernit sub tegmine lauri,  
Advertit, quòd Tu Phæbus & alter ades.

Felix, ornatam dum Pindi vertice gestis,  
Orta coronatis se videt esse Tuis

Et radiat sicut jam Solis luce serenâ,  
Nunc sibi præclaros apta probare dies.

IOANNES de Slasy SLASKI,  
Poetæos Studiosus.



### XXXIII.

**R**ecurrit amænus voto nostro dies; hic  
cas Coronas, gestis allicit Tuis.

**R**arò si quondam, sed forte *recurrat amænus,*  
*lãm voto nostro ac absq; labore dies.*

En hic cas aurâ Cæli veniente coronas,

Tam pulchras *gestis allicit atq; Tuis.*

Quæ mentes Regum recreant, quæ climata Mundi,

Et Superis quarum gloria summa placet.

Tempus ferta parit, posthac si sæcla redirent,

Talia, quæis melius jam foret Orbe nihil.

IGNATIUS de Łukowice: SENDZIMIR, Vicepalatinus  
des Becensis, Poeseos Studiosus.

### XXXIV.

**S**ol oriens Academicus coronatus sistit;  
cultos gratiæ rores invehit.

**S**ol oriens Academicus est jam, surgite Musæ,  
Plaudite pulsando dulcia fila chelys.

Fronte coronatus dum nostro sistit in Orbe

Svave melos cytharæ, jungite quæso Deæ.

Pandite nunc fontem, cultos ac gratiæ amænos

Rores ascendens invehit ille gravis.

Ambrosius torrens vestris regnabit in undis,

Dat quibus influxus Phæbus uterq; suos.

JOANNES ZAWADZKI, Vice Palatinus  
Prossovicen: Poeseos Studiosus.

### XXXV.

**O** nitens Crucis Academi Gestator, al-  
tos jussu Cæli fortitur Honores.

**O** nitens Crucis est Academi dignus ovando  
Gestator, sub qua passio nulla datur.

Quò fortuna vocat, felices tendimus omnes;

Cùm RECTOR nobis hâc Cruce signat iter.

Signat iter nobis, ast Ipsum sidera Cæli,

Altiùs ut scandat culmen Honoris, trahunt.

Ergo altos jussu Cali fortitur Honores:

Sic meruit Virtus, sic pia facta Viri.

MICHAEL de Szczepanow SZCZEPANOWSKI,  
Dapiferus: Zytomirienis, Poeseos Studiosus.



### XXXVI.

**H**u illuces terris genio Titane, oris rosis,  
Thomas Stoæ vocandus Craci.

**H**u Phæbum nostrum factis illustribus ornas,  
Lumine sat rutilat Turba novenna Tuo.

*Illuces terris genio, Titane sagaci,*  
Lux Tua jam cunctis partibus Orbis adest.

Qvò Caput, & passus effers Hortensius alter,  
Oris, crede, Tui terra referta rosis.

Sed potius *Tomas Stoæ* nunc jure vocandus,  
Ante *Craci Thomam* qui colis arte Tua.

MICHAEL de Zakrzów ZAKRZEWSKI, Eng.  
ferides Novograd: Poeseos Studiosus.

### XXXVII.

**A**tlas Honoris, o candor mentis! Augur  
fortis, cur sistit Leo sectæ? evici.

**A**tlas purpurei successit dignus Honoris,  
Quem ne labatur, desuper astra juvant.

O candor mentis qualis sit! dicite Musæ;

Sponte Viri cujus cor sine felle patet.  
*Sortis* adest augur, quem verus Zelus, & ingens  
Orbi commendat Religionis amor.

Adversæ sistit sectæ se cur Leo dicit:

*Evici* ne post crescere secta queat.

JOSEPHUS de Kozielki WOLSKI, Camerari-

us des Eccicon: Poeseos Studiosus.

### XXXVIII.

**A**ntis sui curis ac actis, meritò Viro cult  
to, asserere: dignè latos Honores.

**A**ntis dumq; sui curis ac splendidus actis,  
Doct or, huic meritò militat omnis Honor,

Frons Charites præfert, pectus Cælestia spirat,  
Vis animi cunctos, exsuperare potest.

Majestatem micat, candorem purpura lervat,

Sicq; Viro cultò, cultior hic quis erit?

Assere: quòd dignè latos acquirit Honores,

Hoc virtus præstans, hoc studiumq; probat.

ANDREAS ZAWADZKI, Vice Palatinid:  
Prossoyicensis, Poeseos Studiosus.



## XXXIX.

**I**N terris digessisti Coronas o! Heros  
cunctas, restat ultima Cælo, vovi.

**I**N terris digessisti Tu sponte Coronas

O Heros cunctas! perge favente Deo.

Necdum fers omnes, restat Tibi nam ultima Cælò,

Quam vovi spera, nocte dieq; vigil.

Egregiæ dotes, celsis Tibi sedibûs auctæ,

Dico: Te Cæli iusta corona manet.

Herculeos actus cinxerunt sidera fertis,

Te simili Cælum, tractet Honore precor.

CASIMIRUS à Lubna LUBIENSKI, Castellanides  
Sandomiriensis, Capitaneus Oycovien; Grammi: Studiosus.

## XL.

**S**ed à Jovis solius loco, non hic à cunis,  
terræ it, statim gratus; re cor est.

**S**emper honorandi felices atq; vocandi,

Qvos finxit Titan de meliore luto.

Non hic à cunis terræ confidite RECTOR.

Sed lovæ à celso solius Ipse loco.

Itq; statim gratus, quem non Lucina recepit,

Ast tenerum fovit, Pallas amica sibi.

Phæbum Musarum, non primò lumina solis

Vidit; re cor est Palladis Ipse Dex.

JOSEPHUS à Lubna LUBIENSKI, Castellanides Sando-  
miriensis Capitaneus Jadovnicensis, Studiosus Grammi:

## XLI.

**C**andore illustris animi, Heroas cinctos,  
graves, virtus è toto assotiet.

**C**andida dona Capis, candore notabilis ipsò,

Illustris Doctor, tum venerande Pater.

Dotibûs his animæ superas felicius Hector,

Heroas cinctos dexteritate graves.

Per Te fama, decus, laus est in Gente Togata

Dum lauru binâ frons Tua docta viget.

Ergo tibi virtus sacrâ pomposa Coronâ,

E toto cunctos, assotiet titulos.

SIGISMUNDUS à Lubna LUBIENSKI, Castellanides Sando-  
Capitaneus Weteccensis, Studiosus Grammatices.



XLII.

**R**es non motas cardine reor, ars est  
hujus: lætitia gliscit, fuscito, voco.

**R**edditæ metra stylô, Te non reverenter honorant,  
*Res nondum motas cardine fortè reor.*

*Lætitiæ applausus hujus reverentia gliscit,*  
*Ars est; quæ pennam nescit habere parem.*

*Suscito Mercurios, Cicerones, con-voco claros;*  
*Hos tamen exsuperas farta ferendo sacra.*

*Per quæ sis Superis propior, cognatus Olympo,*  
*Hunc scandes, terras has recreando diu.*

ANTONIUS de Ozarow OZAROWSKI, Subdapife-  
ridides Regni Grammæ Studiosus.

XLIII.

**A**uguste Lycæo stas, horis emineat vir-  
tutis color, concordans fertis.

**A**ppares, Lechico Princeps *Auguste Lycæo,*  
*Nunc in Supremo stas Pater Alme loco.*

*Horis amineat per Te virtutis amata,*  
*Rasuram fati non subeundo color.*

*Tempora multorum, tantis non apta Coronis,*  
*Concordans fertis Fronis Tua docta sacris.*

*His tamen haud capitur, meritorum summa Tuorum,*  
*Ambiet hæc alius qui Tibi restat Honor.*

FRANCISCUS de Michałow MICHAŁOWSKI,  
Subdapiferides Cracæ Studiosus Grammæ.

XLIV.

**N**or, os, Tyronis cernis; scio vota alto du-  
cta, augentur hilari messe; stes.

**N**atus tot lingvis Doctor Venerandus abundas,  
*Cor, os, Tyronis; cernis ovando scio.*

*Vota Tui RECTOR satis altò ducta triumphò.*  
*Augentur votis,, quæ Tibi corda ferunt.*

*Hinc Iagelonis adest hilari stans messe manipulus*  
*Pronus; Tutorem Te venerando suum.*

*Ergo stes tantò per Sæcula celsus Honore*  
*Vlterius tandem scandito summa, precor.*

JOSEPHUS SOLTYK, Venatorides Sando-  
miriensis, Studiosus Gram:



XLV.

○ *Mnia Collegia assistunt Doctoris Honori: ecurr ita? tuteris, aserves.*

○ *Mnia quæ docto remanent Collegia Luco,  
Et quæ sub Scepbris, docta Minerva tenet,  
Assistunt promptè Magni Doctoris Honori:*

*Atq; canit plausus quodlibet arte novos.  
Eccur jam Doctor cinctus sis tanta cohorte?*

*Hic ita responsum Turba dat ista suum:  
Vt tuteris Eam sospes per Nestoris annos;*

*Aserves gremio, quod favor ipse decet.*

JOSEPHUS WILKONSKI, Vexilliferides Ducatus  
Zatorien: Capitaneus Bodaczovien: Studiosus Gramm:

XLVI.

◀ *Ellus honoris auratum gestat noster Iason, scite: sic cor sciet io dari.*

◀ *T caperet Iason generosus nobile vellus,  
Venerat ad Colchos, vellus ovando tulit.  
Sed pretio majore locuples vellus Honoris*

*Auratum gestat; Palladis arte datum:  
Noster, quem decorat Rectoris Purpura Iason;  
Hunc vos Iasonem scite colendo novum.*

*Sic ad vocales plausus quos fama parabit,  
Doctori magno cor sciet io dari.*

VALENTINUS SIEDLECKI, Capitaneus  
Iodkovicen: Studiosus Gramm:

XLVII.

— *Illata cita mentis vi, hos controversos errores vincis, eductos agitas.*

— *Impugnas hostes fidei generosus Achilles  
Telis; quæ docto spargis ab ore Tuo.*

*Illata atq; citâ mentis vi tendis in illos;*

*Quam semper sub Te penna notando stupet.*

*Hos controversos errores vincis & arces;*

*Eductos agitas, ut ruat omne scelus.*

*Quid tunc dum Tua frons lauru decorata refulget,*

*Quod fers ex illis, sacra trophæa notat:*

MATHIAS SOLTYK, Venatorid: Sandomirien:  
Studiosus Gram:



XLVIII.

**R**igit se tuto his annis sacro merito vertici, alto concessa dos laurus.

**R**igit excelsus se tuto Academicus in altum  
*His annis; dum Te laurea sacra decet.*

Et bene, namq; *Sacro merito* nunc vertici in imum.  
Reddens, inclinans, aurea Sceptra Tuo.

*Alto* de Cælo Superum concessa favore

*Dos* Tibi, tam Magno laurus adaucta Viro.

Sub qua vive diu sæclis potiundo beatiss;

Sceptra tenens meritis associata Tuis.

JOSEPHUS de Pokrzywnica POKRZYWNICKI;  
Capitaneides Schadcovien: Studiosus Gramme:

XLIX.

**N**unc oriris, ast sic iudasti satis; gesta verò Honorem alto vertice loci.

**N**unc Pater in Sacro ferto sublimis oriris,  
*Ast sic iudasti* facta per alma satis.

Iam summis par *gesta verò* doctus Honorem,

Qui comes est alto cum probitate Viro.

Et laurum portes in docto vertice sacram;

Quam retinent alti culmina summa loci.

Hæc exornatus fatorum fulmina pellas;

Hoc optant etenim postera sæcla sibi.

ANDREAS SKARBK, Ensisferides  
Bractaviensis, Studiosus Gramme:

L.

**S**oli lucent: o! sidera vero ast non attica, hæc regit, i ostro; curis missus.

**S**ublimis semper comes extat splendor Honoris,  
Nec lucem famæ, densior umbra regit.

*Soli* Palladio lucent o! sidera vero

*Ast non attica*, quæ squallida terra videt.

Lucet Ei prorsus renitens fax mentis honestæ,

Gloria nuntiat: hæc, aurea Sceptra regit.

Altiùs i decorus rutilò nunc lauriger ostro

Et doctis curis missus ab arce Poli.

FRANCISCUS de Pokrzywnica POKRZYWNICKI,  
Capitaneides Schadcovien: Studiosus Gramme:



—Ndulge o! Mista vittâ clarior; en recreas  
Te viso Stoas; scit sonus chori.

—Ndulge o! Mista en vittâ nunc clarior altâ,  
Qvidquid metra ferent hoc recreante die.  
Feria Martis adest, lætis præstantior horis,  
Quæ recreant animos gaudia summa ciens.  
O Pater! en recreas Te viso nunc redimitò,  
Has nostras stantes per tria sæcla Stoas.  
Scit sonus hoc famæ volitantis summa per æthra;  
Musarumq; sonant (quod Tibi narro) chori.  
ALBERTUS TRZEBINSKI, Pocillatorides  
Bractaviens: Studiosus Gramme:

LII.

—Acrae virtuti Angelicus Doctor THO-  
MAS lucet: inest io! serò sis in rosa.

—Acrae virtuti quam cingit Laurea sacra,  
Et quam fama, decus, celsa sub astra ferunt.  
Angelicus Doctor THOMAS allacet ovando,  
Splendores proprios associando Tibi.  
Pectori inest ejus multò vocalior io!  
Sis serò in tacita Vir Venerande rosa.  
Nimirum: nunquam taceant Te postera sæcla;  
Sed de Te semper fama perennis eat.  
ANTONIUS OTWINOWSKI, Dapiferides  
Wysogrodens: Studiosus Gramme:

LIII.

—Ecreantur Craci Scholæ, altò geniò Tuò,  
asserò: Tu dos in vittis missis.

—Ecreat Alma suis studiis Academia terras,  
Ac Lechicam propriis ornat amica Scholis.  
Hanc reverenter habens; interrogo quò recreantur?  
Craci quæ pandunt dogmata docta Scholæ.  
Istud quæsitum promptè Tua facta resolvunt;  
Has altò geniò Te recreasse Tuò  
Assero: non Tibi dos Honor est, sed maxima tu Dos,  
In vittis missis quas Tua facta merent.  
SIGISMUNDUS ZBOROWSKI, Camerarides  
Radomien: Studiosus Gramme:



LIV.

**[M]**erito, curis lassato Vertici dignis, fat  
noto; laurus honore accessit.

**[S]**t lex Palladis hæc: laurô post fata perenni,  
Sudores doctâ tergere fronte solet.

*Emerito curis lassato Vertici & actis  
Dignis, conferri præmia justa decet.*

*En dantur, quando fat noto laurus Honore,*

*Accessit Capiti tanta per acta Tuo,  
Præclaro, docto; solôq; Tonante minori,*

*Quam capiens fati nescius esto precor.*

LUCAS TRZEBINSKI, Pocillatorides  
Bractavien: Studiosus Gramm:

LV.

**[C]**elos assumis Honores à Tui corona,  
curre diu ijs; attingito celsa ritè.

**[V]**m decoris tanti Sedem conscendis in altam;  
Non dic: quòd gradus est, ultimus iste Tibi.

*Verùm; quod Doctor celos assumis Honores:*

*Qvos pridem foverat Pallas amica Tibi.*

*A decorante Tui frontem splendente corona;*

*Curre diu titulis condecoratus ijs,*

*Nec currens sistas, magis ast attingito celsa,*

*Quod ritè gressus promeruere Tui.*

SIMON OTWINOWSKI, Dapiferides  
Wysogroden: Studiosus Gramm:

LVI.

**[V]**lliô est dictus rarior, resonans suavis-  
sima ore; gestat: occinit Echo.

**[V]**llius Ausonia quondam florebat in Vrbe,  
Qui dictus Princeps eloquijq; Parens.

*Tullio hic est dictus per suadam rarior illô.*

*Quem nos Doctorem cernimus ecce Novum,*

*Hic resonans roseô, suavissima, doctus, ab ore:*

*Recreat eloquiô, tum recreando movet.*

*Hoc gestat plaudens, hoc pectoris occinit Echo,*

*Hoc oris firmant, tot documenta Tui.*

JOSEPHUS ZBOROWSKI, Cameratides  
Radomien: Studiosus Gramm:

LVIII.



LVII.

O! unio clari Ostri sat micans, hinc tutè  
eo siste die gravis, Sacrò fertò.

Rnant permultos venerandâ Veste Lycæa,  
Quæ meritos actus, appretiare facit,  
Tu Salus quem metra stupent O! unio clari  
Ostri purpurei! quod modò RECTOR habes.  
Sat virtute micans illi tribuendo valorem;  
Hinc tutè sub eo siste colende die.  
Esto gravis fertò sacro, decoratus Honore,  
Quò manet ecce Tuum sacra Palæstra Caput.

MICHAEL ZAKRZOWSKI, Eniferides  
Novogroden: Studiosus Gramme

LVIII.

Regito o! sanus has Craci innumeris Sæ-  
clis Stoas, ritè de voto cor tulit.

Ex Academicus es, parvum Tibi Sceptra tenere;  
Ast Tua frons etiam, nunc redimita nitet.  
Hinc regito felix vivens o! sanus in Orbe,  
Exæqvans factis omnia digna Tuis:  
Has Craci; quas nunc retines moderamine RECTOR,  
Innumeris Sæclis apprecor arte Stoas.  
Hæc autem quæ sunt metris conscripta modernis  
Ritè de voto cor tulit ista meum.

MICHAEL de Szczepanow SZCZEPANOWSKI,  
Dapiferides Zytomirien: Studio; Gramme

T A V I V T V I V A T  
A V I V T A T V I V A  
V I V T A V A T V I V  
I V T A V I V A T V I  
V T A V I V I V A T V  
I V T A V I V A T V I  
V I V T A V A T V I V  
A V I V T A T V I V A  
T A V I V T V I V A T







Biblioteka Jagiellońska



stdr0026843



